

# DARI SEBULAN KE SEBULAN

Perkara kerakyatan jus soli (bangsa-bangsa asing yang diakui sebagai rakyat negeri ini apabila diperanakkannya di negeri ini) sekarang ini telah timbul. Timbulnya ialah apabila orang Cina menyuarakan tuntutan itu. Baik dari pihak-pihak raja, Parti Negara dan tidak ketinggalan daripada orang-orang UMNO sendiri yang terikut dalam perayaan membangkang dengan kuat akan kerakyatan “jus soli” itu. Orang-orang Cina di Kuala Lumpur dan Melaka telah mengadakan mesyuarat-mesyuarat menguatkan tuntutan itu di sebaliknya ibu pejabat UMNO pula, ketuanya

Tengku Abdul Rahman memberi amaran kepada cabang-cabang UMNO yang telah membantah itu supaya pada masa-masa yang akan datang hendaklah terlebih dahulu menyatakan fikiran-fikirannya kepada ibu pejabat sebelum disiarkannya kepada umum.

Menurut pandangan dari orang yang di luar UMNO amaran itu hendak menutup mulut cabang-cabang UMNO seluruhnya. Adakah ini kerana takut Perikatan pecah? Adakah orang-orang Melayu terutama di dalam UMNO tidak memerhatikan kenyataan Sir Cheng Lock Tan yang dikatakan telah menyebut bahawa M. C. A. akan berpecah dari Perikatan sesudah merdeka nanti? Sama-sama kita lihat Bung.

\* \* \*

Di dalam suatu perjumpai bahas yang telah diadakan baru-baru ini Encik Abdul Hamid Bin Jumat Menteri Perumahan dan juga menjadi ketua UMNO bahagian Singapura telah menyatakan bahawa menurut perintah ibu pejabat UMNO bahawa barang siapa yang menyertai gerakan anti merdeka itu maka dengan sendirinya orang-orang itu akan terlucut daripada

menjadi ahli di dalam UMNO dan menurut fikiran kita orang itu kelak akan disebut pengkhianat. Kalau betul yang demikian ini maka nampak benar coraknya bahawa cara berjuang di dalam UMNO tidak lagi mengikut cara demokrasi yakni menerima fikiran dan bahasan tetapi telah bersifat teokrasi yakni tiap-tiap seorang mestilah tunduk kepada kemauan dan kehendak parti. Kita memandang yang demikian ini ialah cara diktator Bung.

\* \* \*

Di dalam “perjumpaan mingguan” Ketua Menteri Singapura Tuan David Marshall telah dituntut membayar \$49.50 kepada insurans agen kerana seorang dari ahli insurans itu telah pecah kaca matanya yang terbit daripada kejadian di Kallang Airport tempoh hari. Di dalam soal jawabnya dalam perkara ini yang menarik ialah dikatakan bahawa Ketua Menteri telah berkata ia tidak bertanggungjawab kepada jiwa orang di situ. Jawapan ini adalah satu jawapan yang menunjukkan kehairanan orang ramai. Orang ramai mengerti bahawa perjumpaan merdeka itu dianjurkan oleh Tuan David Marshall Ketua Menteri dan sudah tentu apa-apa juga yang akan berlaku di sana menjadi tanggungjawabnya sendiri bukan kepada orang lain. Beliaulah yang bertanggungjawab atas segala kejadian itu kerana beliau telah mengarahkan umat di sana yang sudah tentu keamanan dan kesejahteraannya mestilah diketahui lebih dahulu. Kalau mengaku tidak bertanggungjawab ia dengan sendirinya


dalam tiap-tiap kerja yang serupa itu tidak mahu ditanggungjawabkan. Rupanya beliau hanya kalau baik jadi tanggungjawab beliau dan kalau kemalangan jiwa beliau tidak mahu bertanggungjawab. Kalau begini namanya atau harus kita boleh namakan Ketua Menteri tidak bertanggungjawab kepada segala langkah-langkahnya.

\* \* \*

Dewan Perwakilan Rakyat Indonesia yang baru sudah pun dilantik. Dengan perlantikan itu maka dengan sendirinya diadakan pemilihan untuk ketua dan wakil ketua. Apabila dicalonkan Ketua Satu kepada Tuan Zainal Ariffin dari "parti" maka pada ketika itu Masyumi bersiap menjalankan orangnya tetapi apabila didapatinya tidak ada calon dari Komunis maka cadangan calonnya ditarik semula. Demikian juga apabila datang pencalonan wakil Ketua Dua maka Masyumi mencalonkan Zainal Abidin dan lawannya ialah Aruji Kartawinata dari Partai Sarekat Islam Indonesia dan Mr A.M. Tambunan dari Parti Kristian.

Pihak Masyumi melihat itu menarik pula calonnya dan dengan itu hanya diundi dengan dua calon sahaja yang kemudian dimenangi oleh Aruji. Pada calon yang akhir Partai Komunis Indonesia mengadakan calon

Ir Sakirman. Melihat itu Masyumi terus mengadakan calon Zainal Abidin Ahmad dan menetapkan bahawa calon kedua-duanya itu diundi maka yang kemudian dimenangi oleh Zainal Abidin Ahmad dari Masyumi. Menurut berita akhbar bahawa pencalonan yang akhir inilah yang hebat sekali dalam sidang itu iaitu perlawanan antara Partai Masyumi dan Partai Komunis Indonesia. Di sini menunjukkan bahawa pertentangan itu sangat hebat benar dan inilah buktinya bahawa Islam tidak akan dapat berkerjasama dengan komunis.



*Papan notis ini, diambil di halaman di sebelah bangunan Masjid Jamek di Alor Setar Kedah. Kedah ialah sebuah negari Melayu. Kalau dipandang notis ini tidak ada sepatah pun bahasa Melayu - kerananya orang ramai tentu bertanya - mengapa bahasa Melayu ditinggalkan? Jawabnya terpulang kepada yang berkenaan.*

\* \* \*

Tuan Syed Jaafar Bin Hassan al-Bar al-Alawi Ketua Pegawai Penerangan UMNO di dalam keterangannya di Bentong mengatakan di antara lain-lain bahawa sehingga tertubuhnya Perikatan orang-orang Melayu adalah cemburu dan takut kepada orang-orang Cina dan India kerana mereka datang ke Malaya adalah mencari wang dan merampas pekerjaan-pekerjaan mereka.

"Sekarang," katanya "orang-orang Melayu tahu bahawa

\* \* \*

orang Cina dan orang India itu sahabat mereka dan hendak menolong mereka itu. "Propaganda" Bung! kata setengah-setengah orang sambil meminta Pegawai Penerangan UMNO melihat sendiri memorandum orang-orang Cina seberang laut yang diketuai oleh Datuk Sir Cheng Lock Tan dan langkah-langkah M.C.A. sekarang dengan jus soli adakah mereka telah menolong orang-orang Melayu, kata sebahagian orang, kerana buktinya tidak nyata. Yang nyata hanya sebahagian yang jadi cakap-cakap umum bahawa kemenangan Perikatan dalam pilihan raya tempoh hari belanja ditanggung oleh M. C. A. kerana itulah, kata mereka, harus Pegawai Penerangan itu memandang itulah satu bantuan tetapi orang di luar memandang sesuatu pembelian. Mana yang betul Bung itu terpulang kepada umat menimbang dan memerhatikannya.



*al-Ustadh Abbas Bakar Rafiq mudir Madrasah Masyhur*

*al-Islāmiyyah dalam masa memberi ucapannya di dalam ihtifal*

*madrasah itu pada tahun yang ke-41 di Pulau Pinang.*

\* \* \*

\* \* \*

Selama ura-ura kemerdekaan di Singapura (jangan dimasukkan Tanah Melayu) maka kita melihat dengan nyata keamanan dan kesejahteraan di negeri kita ini (Singapura) tidak lagi terjaga dan dikawal. Seseorang boleh dipukul oleh satu golongan beramai-ramai di tengah-tengah bandar yang banyak penduduknya dan di dalam bas atau seumpamanya di jalan-jalan di dalam bandar seseorang boleh ditikam oleh seorang berdua dan orang-orang yang melihat di sekeliling itu masing-masing mendiamkan dirinya dan tidak mahu ke tengah menjadi saksi. Sebabnya tentulah tidak lain kerana kekuasaan atau kesejahteraan orang-orang itu tidak dikawal oleh pengawal undang-undang. Jika sekiranya keamanan tidak dapat dikawal apakah pula nanti kalau sudah merdeka? Sebab itulah sebahagian besar orang-orang mau merdeka bertapak-tapak dahulu – tidak seterusnya. Fahaman ini atas kemerdekaan di Singapura – di tempat lain fikiran itu berlainan.

Apabila Lee Kuan Yew angkat rombongan merdeka pergi ke London baru-baru ini ramai orang telah menghantarkannya. Di antara orang-orang yang ramai itu yang banyak kelihatan ialah penuntut-penuntut yang berumur belum lagi dua puluh tahun-budak-budak mentah kata orang kita – adakah orang-orang yang serupa ini yang belum tahu hujung pangkalnya erti hidup dan kehidupan boleh menjadi ukuran untuk keselamatan dan kesejahteraan kemerdekaan di Singapura nanti?

\* \* \*

"Empat besar" orang-orang Cina telah bersetuju melancarkan seruan-seruan mendapat kerakyatan jus soli di Persekutuan Tanah Melayu dengan memandang, bahawa M.C.A., kerana ia termasuk di dalam orang-orang Perikatan, tidak boleh

\* \* \*

(sambungannya pada muka 53)

Urusan Umum (Parti) lahir pada tahun 1929. Ia berpendidikan pada sekolah-sekolah Islam di Sumatera. Pernah pernah menjadi anggota Dewan Perwakilan Rakyat Sumatera Barat dan kemudian Dewan Perwakilan Padang serta ketua Majlis Islam Tinggi daerah Suliki. Sesudah itu menjadi Demang di Sijunjung dan Pegawai Daerah Tentera di Suliki dan Paya Kumbuh Tenggara. 1950 anggota Dewan Perwakilan Rakyat Sumatera Tengah. Pernah menjadi anggota Suruhanjaya Mahabbah Indonesia ke negara-negara Islam di Timur Tengah.

A B de Rozari Menteri Muda Perhubungan (Partai Katholik) dilahirkan pada tahun 1905 di Larantuka Flores dan berpendidikan di Banjar Masin dan Makasar. 1950 menjadi anggota Parlimen Indonesia Timur, 1951-52 menjadi anggota daerah Flores dan kemudian menjadi direktor Syarikat Gabungan Buruh di Flores. Jabatan yang akhirnya ialah Ketua Dewan Perwakilan Rakyat daerah Flores.

Dahlan Ibrahim Menteri Negara Urusan Bitaran – bekas pejuang (I.P.K.I.) lahir di Batu Sangkar Sumatera Tengah pada tahun 1917 dan berpendidikan di Tawalib Sekolah Padang Panjang dan Islam Training Kolej di Paya Kumbu. Semenjak zaman Jepun mulai bergerak di lapangan ketenteraan demikian pula di zaman revolusi ia menjadi komander Rejimen Kedua dari pasukan Benteng dan kemudian menjadi kepala staf pasukan tersebut merangkap ketua Dewan Perjuangan Sumatera Tengah yang akhirnya jadi T. N. I. (Tentera Negara Indonesia).

Sesudah serangan Belanda yang kedua menjadi komandan teritorium Sumatera Tengah merangkap wakil Gabenor Tentera. Mulai tahun 1950 mendirikan beberapa perusahaan bekas tentera dan bergerak di dalam lapangan sosial.

(sambungan dari muka 9)

diharap melancarkan tujuan-tujuan itu. Perjumpaan besar harus diadakan dan dalam masa menulis rencana ini belum diadakan lagi tetapi riak-riaknya perjumpaan besar itu daripada anak-anak dagang akan diadakan. Kesan yang akan terbit daripada ini, mengikut sebahagian besar fikiran orang-orang Melayu, akan memberangsangkan lagi atau akan memanaskan lagi udara-udara yang sememangnya sudah panas sekarang. Orang masing-masing bertanya adakah nanti pucuk pimpinan UMNO akan dapat menahan perasaan cabang-cabang dan bahagian-bahagian apabila udara semakin panas. Inilah satu perkara yang mengkhawatirkan dan jika tidak dikawal harus akan menimbulkan perkara-perkara yang tidak dikehendaki.

\* \* \*

Pemuda UMNO di Negeri Sembilan telah menuntut supaya pihak pimpinan UMNO berpendirian tegas terhadap dasar kerakyatan jus soli. Tuntutan yang demikiin itu memang sudah pada tempatnya, bukannya saja pada kenyataan jus soli, tetapi juga dalam lain-lain perkara seperti rupa bangsa dan seumpamanya. Kerana selama ini, menurut pandangan am orang-orang luar, pucuk pimpinan UMNO sentiasa berjalan dengan samar-samar dan tidak tegas. Sebabnya, menurut sebahagian pihak, untuk menjaga supaya Perikatan yang berlainan muslihat itu dapat dikawal sedang keadaan-keadaan telah menunjukkan bahawa pertelingkahan tidak dapat dielakkan kerana berlain-lain muslihat itu. Ada pula orang yang mengatakan apabila kita sudah menerima budi orang atau termakan budi maka sangat sukar bagi kita untuk mengangkat orang itu. Kebenaran dalam perkara ini kita pulangkan kepada keadaan-keadaan di sekeliling kita.